



GERARDI MAURISII CIVIS, ET JUDICIS VICENTINI HISTORIA INCIPIT.

PROE MIUM.



de Maurixio, Caudicus Vicentinus, cognoscens manifeste vitam, & operam, virtutem, & potentiam Dominorum Eccelini, & Alberici (1) Fratrum de Romano, & suorum predecessorum, volens ipsius desidia maculam evitare, ipsorum acta mores, & vitam, potentiam atque virtutes, ut scientibus memoria non effugiat, & ignorantibus reveletur, sub breviliquio scribere, & notare proposui. Sed morem largi dispensatoris in hoc presenti Opusculo gerere cupiens, qui diversorum ciborum genera recumbentibus ante ponit, ut ex diversorum generum ciborum aspectu discumbentium voluntates fortius gratulentur, & eligendi quæ maluerint, habeant potestatem, presentis Historiæ cursum diversorum generum dictaminis exponemus: ut, quod eleganter cuique visum fuerit, in discendo preponat, & legendi copiam habeat laxiorem. Audiat nunc presentis ætas, nec ignoret futura

(1) Lege Alberici.

Ut aliquorum A posteritas. Audiant boni, ut glorificantes Deum, meliores efficiantur. Audiant eorum æmuli similiter impii, & superbi, ut terreantur, corrigantur, & elati desinant superbire. Videant ergo avidi diversos dictaminis modos, & vel ex uno, vel altero, sive tertio, vel ex omnibus simul discendi copiam habeant plenior. Verumtamen, ante nostræ loquutionis initium, rogare non cessamus, quatenus nostræ non imputetur incuria, si in hac nostræ loquutionis serie quidam verberibus acerbæ locutionis fuerint redarguti, quoniam non ex odii causa, sed quia rei veritas & negotii qualitas ac natura nos talia dicere compellunt, erit à nobis ipsorum scripta redargutio, sive increpatio. Et, ut bonus finis cum laudabili concordet principio, illius gratiam primitus invocare teneor, & benevolentiam captare, pro cuius amore, & gratia retinenda Beatus Petrus flevit amare. Scriptum est enim, quod omnia bene geruntur, & competenter, si rei principium fiat decens, & amabile Deo. Et Horatius. *Dimidium facti, qui bene cepit, habet.* Et Ovidius: *Omnia principis (inquit) inesse solent.* Et alibi. *Difficile est, ut bono peragantur exitu, quæ malo sunt inchoata principio.* Et propter hoc dicitur, quod principium est (2) potentissima pars cujusque rei, quamvis alibi dicatur, *Debile principium melior fortuna sequetur.* Hoc enim sic debet intelligi, ut subaudiatur, *forasan: vel, si Dominus voluerit, ut sine præsum-*

(2) Fortè potissima.